



CIRCULAR 88-2021.

SOLICITUDE DE PRAZAS PARA O CENTRO GALEGO DE TECNIFICACIÓN DEPORTIVA, CURSO ACADÉMICO 2021/22

- A todas as delegacións da FGA.
- A todos/as os/as asembleístas
- A todos os clubs galegos con licenza vixente
- A todos/as os/as adestradores/as con licenza vixente
- A todos/as os/as xuíces/zas galegos/as con licenza vixente

Todos aqueles atletas interesados en optar a unha praza/bolsa para o **Centro Galego de Tecnificación Deportiva** na vindeira tempada 2021/22 deberán enviar o modelo de solicitude (Anexo I), que se adxunta a este documento, ao correo electrónico que se especifica no citado anexo, engadindo un informe do adestrador actual e unha copia do expediente académico (só para o grupo de Tecnificación), ata o día **02 de agosto de 2021 as 15 h.**

Para o curso 2021/22 as prazas ofertadas serán para o sector de **LANZAMENTOS**.

Tódolos atletas que fosen finalmente admitidos deberán seguir vinculados ao longo de dous anos co club de orixe, salvo acordo mutuo entre o atleta e o club.

A FGA, unha vez recibidas tódalas solicitudes emitirá unha proposta á Dirección do CGTD.

A. Requisitos dos beneficiarios das bolsas:

1. Poderán ser beneficiarios das prazas para deportistas no Centro Galego de Tecnificación Deportiva todas aquelas persoas deportistas que no momento de faceren a solicitude cumpran os requisitos que se detallan a seguir:

- Ter nacionalidade española.
- Estar en posesión da licenza deportiva, emitida pola Federación Galega de Atletismo.

Poderase valorar, segundo informe técnico da comisión de selección e como caso excepcional, o incumprimento deste requisito unicamente nas prazas de rendemento.

- Para os grupos de tecnificación, deberase pertencer a un club deportivo galego ou sociedade anónima deportiva dada de alta no Rexistro de Entidades Deportivas de Galicia, así como estar empadroadado nun municipio da Comunidade Autónoma de Galicia.



– As persoas deportistas solicitantes de praza de tecnificación deberán ter ascendido de curso na convocatoria ordinaria de xuño 2021 ou na extraordinaria de setembro 2021 (non se considera o ascenso por imperativo legal). Excepcionalmente poderase considerar a posibilidade de repetición daqueles deportistas cuxas federacións xustifiquen que participaron, con posibilidade de seguir participando, en campionatos de Europa, do mundo ou xogos olímpicos.

Para o caso de que, derivado da situación excepcional ocasionada polo coronavirus (Covid-19), non se poida acreditar este requisito, as persoas solicitantes quedarán exceptuadas del.

Non poderán obter a condición de beneficiarias aquelas persoas que concorren nalguna das circunstancias establecidas a seguir:

- Non obter un «apto» na análise médica realizada polo equipo médico do CGTD previamente á formalización da matrícula.
- Ter un informe negativo da Dirección do CGTD e ratificado pola Secretaría Xeral para o Deporte a través da comisión de selección sobre o seu comportamento durante a súa estadía como bolseiro no Centro Galego de Tecnificación Deportiva durante o curso inmediatamente anterior ao desta convocatoria.
- Ter sanción en firme por dopaxe.
- Ter sanción en firme por algunha das infraccións previstas no artigo 14 do Real decreto 1591/1992, do 23 de decembro, sobre disciplina deportiva (BOE de 19 de febreiro de 1993).
- Ter sanción en firme por algunha das infraccións previstas no artigo 97 da Lei 3/2012, do 2 de abril, do deporte de Galicia.

B. Obrigas do deportista bolseiro:

A persoa deportista bolseira estará obrigada a:

- Cumprir o proxecto deportivo da Federación Galega de Atletismo.
- Realizar un número mínimo de adestramentos no proxecto deportivo, segundo o Regulamento de réxime interno do CGTD.
- Adestrar co técnico que lle asigne a federación, ata a categoría Sub23 (incluída).
- Participar nas competicións autonómicas, nacionais ou internacionais que a federación ou técnico do CGTD considere, principalmente en representación de Galicia, agás causa debidamente xustificada.



CIRCULAR

Complexo Deportivo de Elviña, Avenida de Glasgow, 13
15008 A Coruña. - T. +34 981 291 683 - federacion@atletismo.gal
atletismo.gal - carreirasgalegas.com

- Someterse aos controis de dopaxe segundo a normativa en vigor.
- Pasar o control médico obrigatorio nos servizos médicos do CGTD.
- Formalizar o seu ingreso previamente á súa incorporación nas oficinas do CGTD.
- Cumprir a normativa contida no Regulamento de réxime interno do CGTD.
- Facilitar toda a información que lle sexa requirida pola Intervención Xeral da Comunidade Autónoma, polo Tribunal de Contas e polo Consello de Contas no exercicio das súas funcións de fiscalización e control do destino das subvencións.

C. Natureza das prazas

1. Grupo de tecnificación.

Poderán ser beneficiarios de prazas do grupo de tecnificación as persoas deportistas que fagan 14 a 17 anos no 2021 (nados nos anos 2007, 2006, 2005 e 2004). Excepcionalmente poderanse atender solicitudes que por razóns académicas non se axusten ao rango de idade sinalado: alumnos de altas capacidades que, logo de autorización da Consellería de Educación cursen 3º de ESO con menos de 15 anos e alumnos de 2º de bacharelato que por ter repetido algún curso, antes do seu ingreso no CGTD, superen os 18 anos.

- **Praza de residente 1:** deportistas que residan fóra do radio de 3 km á redonda do CGTD.

Beneficios da praza: matrícula no IES adscrito ao centro, aloxamento (de domingo a xoves) e manutención completa (de domingo a venres), servizo de lavandaría, incorporación ao grupo de adestramento da súa modalidade, instalacións deportivas, servizo médico-deportivo, servizo de fisioterapia e titoría.

- **Praza de externo 1:** deportistas que residan dentro do radio de 3 km á redonda do CGTD.

Beneficios da praza: matrícula no IES adscrito ao centro, xantar no comedor da residencia (de luns a venres), incorporación ao grupo de adestramento da súa modalidade, instalacións deportivas, servizo médico-deportivo, servizo de fisioterapia e titoría.

2. Grupo de rendemento.

Poderán ser beneficiarios de prazas do grupo de rendemento os deportistas de máis de 18 anos.



- **Praza de residente 2:** deportistas que fagan de 18 a 25 anos en 2021 (nados do ano 2003 ao 1996) que residan fóra do radio de 3 km á redonda do CGTD.

Beneficios da praza: aloxamento (de luns a domingo) e manutención completa (de domingo a venres), servizo de lavandaría, incorporación ao grupo de adestramento da súa modalidade, instalacións deportivas, servizo médico-deportivo e servizo de fisioterapia.

- **Praza de externo 2:** deportistas que fagan de 18 a 25 anos no 2021 (nados do ano 2003 ao 1996).

Beneficios da praza: xantar no comedor da residencia (de luns a venres), incorporación ao grupo de adestramento da súa modalidade, instalacións deportivas, servizo médico-deportivo e servizo de fisioterapia.

- **Elite:** deportistas maiores de 25 anos (nados no ano 1995 ou anteriores).

Beneficios da praza: xantar no comedor da residencia (de luns a venres), instalacións deportivas, servizo médico-deportivo e servizo de fisioterapia.

A adxudicación do tipo de praza (externo 2, ou elite) está determinada ademais pola aplicación dos criterios establecidos no artigo 23 desta convocatoria.

D. Duración das bolsas:

A duración das prazas será desde o 15 de setembro de 2021 ata ao 31 de xullo de 2022, exceptuando o grupo de tecnificación, que rematará a última semana do período lectivo.

E. Criterios de valoración:

1. Valoraranse os criterios deportivos da modalidade deportiva e especialidade para a cal solicitan a praza ao CGTD.

2. Non serán valorados os méritos deportivos acadados nos Campionatos de España de clubs, nos Campionatos de España por seleccións autonómicas, nin tampouco en Copas ou competicións internacionais de clubs.



3. Non serán susceptibles de valoración os resultados acadados en equipo coa excepción dos resultados obtidos en competicións internacionais formando parte da selección española.

4. Non se valorarán os resultados deportivos acadados en categorías máster, veteráns ou similar.

Crterios de valoración para os deportistas de Tecnificación:

1. Criterios deportivos.

A valoración do rendemento deportivo vai variar en función da categoría en que o deportista proposto competise no ano en que se publica esta convocatoria de prazas, e do seu ano de nacemento, quedando como seguen:

a) Para valorar os deportistas nados nos anos 2007, 2006, 2005 e 2004 (máximo de 22,5 puntos):

– Mellor resultado no campionato de España do ano 2019, 2020 ou 2021 en modalidade e proba olímpica individual (de 15 a 2 puntos):

- 1º posto: 15 puntos.
- 2º posto: 13 puntos.
- 3º posto: 11 puntos.
- 4º posto: 10 puntos.
- 5º posto: 9 puntos.
- 6º posto: 8 puntos.
- 7º posto: 7 puntos.
- 8º posto: 6 puntos.
- 9º posto: 5 puntos.
- 10º posto: 4 puntos.
- 11º posto: 3 puntos.
- 12º posto: 2 puntos.



– Mellor resultado no campionato galego do ano 2019, 2020 ou 2021 en modalidade e proba olímpica individual (de 7,5 a 4 puntos):

- 1º posto: 7,5 puntos.
- 2º posto: 6,5 puntos.
- 3º posto: 5,5 puntos.
- 4º posto: 5 puntos.
- 5º posto: 4,5 puntos.
- 6º posto: 4 puntos.

b) Deportistas que competiron formando parte da selección española en modalidades e probas olímpicas nos anos 2019, 2020 ou 2021 escollendo só unha das seguintes competicións (máximo 7 puntos).

- Se competiron nos campionatos do Mundo: 7 puntos.
- Se competiron nos campionatos de Europa: 6 puntos.
- Sumaranse 2 puntos adicionais se acadan estar entre os 8 primeiros postos do campionato.
- Se competiron en copas do Mundo: 5 puntos.
- Se competiron en copas de Europa: 4 puntos.
- Sumarase 1 punto adicional se acadan estar entre os 8 primeiros postos da copa.

c) A federación poderán outorgar ata 10 puntos adicionais aos deportistas de tecnificación, segundo a cota asignada á FGA. Esta puntuación irá decrecendo medio punto por posto asignado.

Exemplo de modalidade deportiva de 4 prazas na súa cota de deportistas:

- 1º da lista: 10 puntos adicionais.
- 2º da lista: 9,5 puntos adicionais.



- 3º da lista: 9 puntos adicionais.
- 4º da lista: 8,5 puntos adicionais.

2. Criterios académicos.

- Se remata en xuño con todo aprobado e cunha nota superior a 8: 5 puntos.
- Se remata en xuño con todo aprobado e cunha nota media entre 6 e 8: 4 puntos.
- Se remata en xuño con todo aprobado e cunha nota media inferior ao 6: 2 puntos.

3. Criterio de actitude.

No caso de deportistas que aspiren a renovar a súa praza de tecnificación, terase en conta a valoración final residencial sobre o grao de aproveitamento e adaptación aos servizos residenciais, avaliacións deportivas, conforme as normas de convivencia durante o curso 2020/21, emitida pola dirección do centro, cunha escala que irá de 2 a -4 puntos.

Criterios de valoración para os deportistas de Rendemento:

As prazas do grupo de rendemento distribuiranse entre as mesmas modalidades e especialidades deportivas que o grupo de tecnificación.

1. Prazas de residente 2.

Non poderán optar á dita praza de residente 2 os deportistas con bolsa ADO, ADOP ou PODIUM e pasarán a ser externos 2.

a) Deportistas que acadaron un resultado entre os 12 primeiros, nos últimos xogos olímpicos ou paralímpicos, ou campionato do Mundo da súa categoría en modalidades e probas olímpicas, ata 12 puntos:



- 1º posto: 12 puntos.
- 2º posto: 11 puntos.
- 3º posto: 10 puntos.
- 4º posto: 9 puntos.
- 5º posto: 8 puntos.
- 6º posto: 7 puntos.
- 7º posto: 6 puntos.
- 8º posto: 5 puntos.
- 9º posto: 4 puntos.
- 10º posto: 3 puntos.
- 11º posto: 2 punto.
- 12º posto: 1 punto.

b) Deportistas que acadaron un resultado entre os 9 primeiros, no último campionato de Europa da súa categoría en modalidades e probas olímpicas, ata 9 puntos:

- 1º posto: 9 puntos.
- 2º posto: 8 puntos.
- 3º posto: 7 puntos.
- 4º posto: 6 puntos.
- 5º posto: 5 puntos.
- 6º posto: 4 puntos.
- 7º posto: 3 puntos.
- 8º posto: 2 puntos.
- 9º posto: 1 punto.

c) Deportistas que participaron nos últimos xogos olímpicos ou paralímpicos, ou campionato do Mundo ou campionato de Europa, coa selección nacional da súa categoría en modalidades e probas olímpicas, ata 3 puntos.

- Xogos olímpicos/xogos paralímpicos: 3 puntos.
- Campionato do Mundo: 2 punto.
- Campionato de Europa: 1 punto.



d) Deportistas que participaron nos campionatos de España de forma individual en modalidades e probas olímpicas, ata 2 puntos:

- 1º posto: 2 puntos.
- 2º posto: 1 punto.

e) Deportistas que no curso anterior 2020/21 estiveron formando parte dun grupo de tecnificación no CGTD: 2 puntos. Cando o deportista que renove teña un informe negativo da dirección do CGTD, nota de convivencia ou valoración final non satisfactoria, esta alínea non será valorada. Este criterio non será valorado se non se obtén ningún punto nas alíneas anteriores.

f) Criterios de desempate no grupo de residente 2.

A prelación de criterios será:

1º. O que obtivo unha maior puntuación sumando os puntos correspondentes ao posto obtido no último campionato de Europa e no último campionato de Mundo, xogos olímpicos ou paralímpicos.

2º. O deportista que opte por renovar a súa praza no CGTD (sempre que non teña unha puntuación negativa no informe do CGTD).

3º. En caso de continuar o empate, entraría o deportista que obtivo un mellor posto no último campionato do Mundo.

4º. O de menor idade.

5º. Orde alfabética de apelidos e nome que comece pola letra Y, conforme o sorteo feito pola Consellería de Facenda no ano 2021 e publicado no Diario Oficial de Galicia nº 24, do 5 de febreiro de 2021.



g) O deportista que, solicitando unha praza de residente 2 no grupo de rendemento, non consiga acceder a ela, pasará á lista de candidatos ao resto de prazas de rendemento, segundo os méritos alegados e os criterios recollidos nesta convocatoria.

2. Prazas de externo 2 e elite.

Aplicaranse os mesmos criterios que para residentes 2 pero que non acaden puntuación suficiente para as prazas ofertadas.

a) Criterios de desempate no grupo de externo 2 e elite.

A prelación de criterios será:

1°. O que obtivo unha maior puntuación sumando os puntos correspondentes ao posto obtido no último campionato de Europa e no último campionato de Mundo, xogos olímpicos ou paralímpicos.

2°. O deportista que opte por renovar a súa praza no CGTD (sempre que non teña unha puntuación negativa no informe do CGTD).

3°. En caso de continuar o empate, entraría o deportista que obtivo un mellor posto no último campionato do Mundo.

4°. O de menor idade.

5°. Orde alfabética de apelidos e nome que comece pola letra Y, conforme o sorteo feito pola Consellería de Facenda no ano 2021 e publicado no Diario Oficial de Galicia nº 24, do 5 de febreiro de 2021.



CIRCULAR

Complexo Deportivo de Elviña, Avenida de Glasgow, 13
15008 A Coruña. - T. +34 981 291 683 - federacion@atletismo.gal
atletismo.gal - carreirasgalegas.com


Artigo 23. Criterios de selección

En caso de que houberse máis candidatos que prazas dispoñibles para acceder as prazas de rendemento correspondentes a externo 2 ou a elite, procederíase segundo os criterios a seguir sinalados por orde de prioridade:

1. Os que ocupen unha praza de elite sobre os que ocupe unha de externo 2.
2. Os que renoven a súa praza fronte aos que se incorporen por primeira vez ao centro.

A Coruña, a 20 de xullo do 2021

Carlos Catro Vicente
Secretario Xeral da Federación Galega de Atletismo



ANEXO I

MODELO SOLICITUDE

(CUBRIR CON LETRA MAIÚSCULA)

APELIDOS		
NOME		
DATA NACEMENTO / LUGAR DE NACEMENTO	/	
Nº LICENZA FGA		
Nº DNI		
ENDEREZO		
LOCALIDADE		
PROVINCIA		
CÓDIGO POSTAL		
TELÉFONO	FIXO:	MÓBIL:
EMAIL		
IDADE ACTUAL		
Estudios feitos no curso 2020/21		
Estudios a facer no curso 2021/22		
Promociona en xuño de 2021 (marcar a que corresponda)	<input type="checkbox"/> SI	<input type="checkbox"/> NON

Indicar número de suspensos no curso 2020-21 en xuño (se procede)	Nº suspensos:				
Nota media do expediente en xuño de 2021 (cubrir só se aprobou todo)	Nota media do expediente:				
Nome e apelidos do adestrador actual					
Teléfono de contacto do adestrador actual	FIXO:		MÓBIL:		
Email do adestrador actual					
Club na tempada 2020/21					
Club na tempada 2021/22					
Modalidade/s atlética/s practicada/s					
Mellor/es marca/s realizada/s na tempada 2018/19					
Mellor/es marca/s realizada/s na tempada 2020					
Mellor/es marca/s realizada/s na tempada 2021					
Categoría na que competiu na tempada 2021					
TRES MELLORES RESULTADOS NOS CAMPIONATOS GALEGOS NAS TEMPADAS 2018-19, 2020 e 2021 (cubrir tódalas columnas)					
Campionato Galego	Categoría	Data	Modalidade	Resultado	Posto

TRES MELLORES RESULTADOS NOS CAMPIONATOS DE ESPAÑA NAS TEMPADAS 2018-19, 2020 e 2021 (cubrir tódalas columnas)					
Campionato de España	Categoría	Data	Modalidade	Resultado	Posto
TRES MELLORES RESULTADOS NOS CAMPIONATOS INTERNACIONAIS COA SELECCIÓN ESPAÑOLA NAS TEMPADAS 2018-19, 2020 e 2021 (cubrir tódalas columnas)					
Campionato	Categoría	Data	Modalidade	Resultado	Posto
Posto no ranking nacional na tempada 2020					
Posto no ranking nacional na tempada 2021					
Posúe a condición de DGAN (marcar a opción válida)		<input type="checkbox"/> SI		<input type="checkbox"/> NON	
Posúe a condición de DAN (marcar a opción válida)		<input type="checkbox"/> SI		<input type="checkbox"/> NON	
Está incluído no programa ADO ou ADOP (marcar a opción válida)		<input type="checkbox"/> SI		<input type="checkbox"/> NON	
Tipo de praza solicitada (marcar a opción válida)		<input type="checkbox"/> RESIDENTE 1 <input type="checkbox"/> RESIDENTE 2 <input type="checkbox"/> EXTERNO 1			

EXTERNO 2

ÉLITE

PARA FORMALIZAR A SUA SOLICITUDE DEBE REMITIR POR CORREO ELECTRONICO ESTA SOLICITUDE E OS SEGUINTE DATOS ATA O DIA 02 DE AGOSTO DE 2021 :

SÓ PARA AS SOLICITUDES DO GRUPO DE TECNIFICACIÓN (RESIDENTE 1 e EXTERNO 1)

- Expediente académico curso 2020/21
- Informe do adestrador (especificando tempo que leva adestrando, horas semanais adicadas ó adestramento, condicións... e outra información que sexa relevante) .

ENVIAR A:

A/A Carlos Castro

Mail: secretaria@atletismo.gal